



**Gender akcioni plan (GAP) Srednjobosanskog kantona je strateški dokument koji svojom implementacijom treba da počine budući rast i razvoj zajednice, te unaprijedi ravnopravnost spolova u zajednici.**

Ovaj akcioni plan usvojen je krajem 2019. godine, i prvi je kantonalni gender akcioni plan izrađen u Federaciji BiH.

Usvajanje ovog Gender akcionog plana inicirala je Komisija za ravnopravnost spolova Skupštine SBK da bi se njime osiguralo koordinirano i usmjereno djelovanje svih kantonalnih tijela i uvođenje principa ravnopravnosti spolova u razvojne politike, strategije, projekte i programe u nadležnosti kantona.

Gender akcioni plan SBK/KSB se odnosi na period od 2019. do 2022. godine i usklađen je sa odgovarajućim strateškim dokumentima i politikama koje se odnose na ravnopravnost spolova i to sa Zakonom o ravnopravnosti spolova Bosne i Hercegovine, Gender akcionim planom Bosne i Hercegovine (2018.-2022.), kao i sa drugim strategijama na državnom, entitetskom, i kantonalnom nivou.

**U skladu sa prethodnom analizom stanja ravnopravnosti u kantonu i pregleda provođenja obaveza iz Zakona o ravnopravnosti spolova u Bosni i Hercegovini, te Gender akcionog plana BiH, Gender akcioni plan Srednjobosanskog kantona sadrži tri srednjeročna cilja koji se planiraju postići i to:**

- Srednjeročni cilj 1. Ministarstva i službe djeluju za ravnopravnost spolova;
- Srednjeročni cilj 2. Unaprijedeno je stanje ravnopravnosti spolova na području SBK/KSB;
- Srednjeročni cilj 3. Prati se stanje i saraduje sa drugim akterima na napredanju stanja ravnopravnosti spolova.



**Za praćenje provedbe ovog akcionog plana zadužen je, ispred vlade Srednjobosanskog kantona Ured za evropske integracije, fondove, odnose sa javnošću i kvalitetu prema međunarodnom standardu SBK, a ispred Skupštine Komisija za ravnopravnost spolova. Zadatak Komisije je da prati aktivnosti provedbe, prikupljanja informacija koje su potrebne za analizu ostvarenih ciljeva i rezultata i osiguraju ostvarenje rezultata aktivnosti navedenih u dokumentu.**

Nadzor nad provedbom pratit će se organizacijom sjednica za nadzor svakih šest mjeseci kojom prilikom će svi nosioci odgovornosti putem Ureda za evropske integracije, fondove, odnose sa javnošću i kvalitetu prema međunarodnom standardu SBK/KSB, Komisiji redovno i sistematski dostavljati informacije o provedbi. Pored toga Komisija će jednom godišnje informisati Skupštinu i sve ključne aktere uključene u implementaciju aktivnosti o ostvarenim rezultatima te će predlagati Skupštini odgovarajuće zaključke.

